

تورک بوردی

Ye : 1 Saye : 7 9 Subat 1327
 اون بش کونده بر جیقار تورکک قاندهنه چالشیر

سطحی برکوز کز دیرمک کافیدر : طقوز عصردن بری و حالا شرک افندیسی ،
حاکمی ، منظمی ، شرق استقلالنک بریحیک مدافعی ، حتی شرق افکار و علومنک
مثلی تورک دکلیدر؟ بویک معلوم و پک بسیط حقیقتی انکاره قالدیشانلر ، غرضکار
ویا جاهل صفتلرندن برینی قبوله مجبوردرلر...

تورک یوردی

ایرپات

اللهک نوری !

اوغلم آیته

بودفعه بن باشمی سنک دیزیکه قویاجغم اوغلم و سن بنی دیکلیه جکسک ،

اولمازمی ؟

کوچوک آسمر اللریکک بری یاناغمک آلتنده ، اوتنه کی باشمی اوقشارکن
سکا باقییورم . بو آسمر کوچوک آلر بو آقشام ، سنه لردن بری نافله بکله دیکم ،
برشینک خیالی کتیریورلر . بونلر نهایتسنر قوتلری ، ایسلکری ایله نمدعاسنه
جواب کله دن قورویان بوش ، آچیق آووجلری قاپاچقلر ، و آللم آرتق
ایصیناجق و دولاجق ! بونلر ، بونلر ایشته هیچ کله من دییه بکله دیکم ، برارکک ،
بر اوغل ، بر قاردهش ، بر رهشی آلی اولاجقلر ؛ اونلرده هیچ برلکه ، هیچ بر
خیانت ، هیچ بر کنه اولماچاق . بو آللر بنمکیلری اوقدر صاقلامق ایسته دیکم
حاله یته سوروندکلری شینه اصلا سورونمیه جکلر ! ایلك بکا کلدکلری زمان
ناصل اوزرلرینه تماس ایدیلشمش بر ایپکلی ضیا وارسه یته او یله قالاچقلر !

آقشام اولیور ، و هر طرفی اورتن بو آسمر هوا ده داها آسمرلشن کوچوک
یوزیکک خطوطی نه قدر مههم و وقور ، سوکیلی اوغلم ، سیاه کیرپیکلریکک
آلتندن اللهک نوری قارائلق حیاته تبسم ایدیور ، بویلك آکلایان قویو
سوکیلی نور کورده مدیکم قارائلق و طاشلی یولمی آیدینلاتیور . حسن ایدیورم که

بونور حیاتمه هرکون داهایارلاق ، هرکون داهایا مشکل ومدهش یوللرده
قورقوسز یورومک ایچین داهایا مشفق یاناجقدر. ظن ایدیورم که چوجوقلغمک
وکنجلیکمک ایلک ایمانی ، ایلک هویتی سنک کوچوک وجودکده جانلانندی
وبر داهایا اولیه جک ! بنم روحک قندیلیری قاراردینی ، حیاتی وایناندقلری
سوندکلیری زمان سنده کی بوسوکیلی اُسکی نور داهایارلاق یاناجق وبنده آرتق
هپ بواللهک نورنی تعقیب ایده جکم ، سوکیلی اوغلم . بن قارارمش ، صوغومش ،
تخجر ایش برانسان بقیه سی اولدیغ زمان ، بونورک ایمانی ایله دعا ایده جکم ،
بونورک عالمیری ، دوشونجه لری ایله دوشونه جکم .

کوجوک آلتکده کی چیزکیلرک آرقه سنده نهلر وار ، یاناقلرکده بوتون کوز
قاپاقلرکک ومهتز کوجوک آغزیکک رقتی ومبهیتی ایله برشی ، برحیات ، برکولیکه ،
برحسن وار ! آدینی بیلمه یورم ، سوکیلی چوجوغم ، بو برتبسمی ، یوقسه
روحک آنهکک روحنی یاشلرله می قارشیلایور ؟ اوت ، آغلا یورسک غالبا ،
یچین آغلا یورسک ، اللهک سوکیلی نوری ؟ آیدینلاتدیغک یرک ویرانلغنه ،
قوراقلغنه ، قارا ، قیریق ویاییق محرابلرینه می ؟ اولیه ایسه آغلاما ، سوکیلی
چوجوغم ، آرتق بویله شیار سویله میه جکم . باق ، نهلر سویله میه جکم ؛ استقبالیکی
سویله میه جکم ، دیکله !

سنکله بن دنیاده هیچ ایکی روحک اولامادینی کی بربریمزک اولاجغز .
اک معشاواک کنج اعتلالرمدن اوردیکم بواللهک نورلرینک آرقه سنده کی هویتک
هرتلی ، هرذره سنی بنم روحه اورده جکم ، سنکیلرک ایپک ونور انساجیه
امتراج ایده مهین هرقالین وکرلمش تلی روحمدن قوباروب آتاجم ، دائما ال اله ،
یان یانه ، آکلادکی ؟ بوسوکیلی آلر تفشکی آنی قوللانمی ، بوسوکیلی کوکس
آنا طوراغنه سپر اولمی ، بوسوکیلی باش بومملکته هرشیی ویرمی اوکرندیکی
زمانلر مملکت بعضاً سنکله دیکله نمک ایچین براییکی آی ، براییکی کون ویریرسه
ال اله طبیعتک کوزهل کوکس نه کیدوب دیکله نه جکر . یوجه یشیل طاغلر اورتیه سنده
یشیل ضیالری ایله دوشون کوللرک کنارنده اوطوروب سمایه باقاجغز . بن
اووقت هپ سنک کوزلرکده بویون نوره ، آلرکده قوتله ن آیلک ورحمه

باقاجم ! سنک یوکسکلککردن دوشمه مه گت ایچین دعا ایده جکم . فقط سنک
 قانادلرک داهای کنج ، داهای مظفر بر قارتال قانادی کی بی ده و یروب قیران
 فیرطینه لرله کوکس کوکسه چارپیشدقدن صوکرای قیریلیاجق ، داهای یوکسکلره
 کیده جک ! و بن اوزمان سعادت نه در بیله جکم ؛ بن اوزمان چو جوقلغمک
 نهایتسز ایمانی ، کنجکلکمک جانلی وعاصی خیاللری ایله برداهای یاشایاجم ؛ او
 قاراردی ، سوندی ظن ایتدیکم کوزل شیر ایچین بر باشقه بن ، داهای یوکسک
 وقوتلی بر « بن » ک چارپیشدیغی کوره جکم . وسکله برابر عینی صفده بر داهای
 چارپیشاجم . نهایت ، آرتق تماماً اختیار ، بیاض صاچلرم ، قورو ویورغون
 آلرمله دیکنمکه کیدرکن سونن حیاتمک اوستنده اللهک نورلری برداهای بوأسمر
 آقشامده کی رقت و نملریله روحی یقیایه جقلم ؛ و بن ده سوکیلی آسمر الکک
 اوستنده یانغم ، سوکیلی نورلریکه باقان روحله اولورسه م عدمک دیکلندیر یچی
 قوللری آراستنده حیات کابوسلری بی برداهای کورمه دن وابدیا اویانمادن اویویاجم .

کانون ثانی ، ۱۳۲۷

طالعه اربیب



ییلدیزلرله دوشونوش

شو ده کیرمی بوشلقده پارلدا یان ییلدیزلر ؛
 سسسز سسسز تتره شن به نهک به نهک یال دیزلر ؛
 دده هنرک روحیدر قارا کلنی یال دیزلار ..

کیجه لرک پرده سی چکیلنجه هپ یره ،
 سیسی ، دالغین اویقولر بیخیلنجه کوزلره ،
 برر برر اویانوب کوز دیکرلر یرلره :

یور دمنی بکلرلر ، بزه ایشیق صاچارلر ؛
 داهای کونش دوغماندن کیجه له یان اوچارلر ؛
 بلکه باشقه کوکلره کوزلری آچارلر ..

